

ՀՀ կառավարությանն առընթեր պետական եկամուտների կոմիտե
Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 12/2

12 մարտի 2014 թ.

Քննարկվեց «Սեթ» ՍՊԸ 26.02.2014 թ-ի դիմում-գանգատը:

«Սեթ» ՍՊԸ գանգատում բերված փաստարկները.

2011 թ-ի նոյեմբերի 4-ի մաքսային հայտարարագրով «Սեթ» ՍՊԸ-ն «Ավելացված արժեքի հարկի մասին» ՀՀ օրենքի 6.1-րդ հոդվածով ունեցել է հետաձգված ԱԱՀ-ի գումար մինչև 2012 թ-ի նոյեմբերի 4-ը:

Մինչև «Ավելացված արժեքի հարկի մասին» ՀՀ օրենքի 6.1 հոդվածի առաջին մասով սահմանված համապատասխան ժամկետի ավարտը (04.11.2012 թ.) դադարել է ԱԱՀ վճարելու պարտավորությունը, որովհետև նույն ժամանակաշրջանի ընթացքում առաջացած՝ պետական բյուջեի հանդեպ ԱԱՀ-ի վճարման պարտավորության մարված գումարն ավել է եղել ներմուծված ապրանքների համար հետաձգված ԱԱՀ-ի պարտավորությունների գումարից:

«Սեթ» ՍՊԸ-ն (այսուհետ նաև ընկերություն) տեղեկանք չի ներկայացրել համաձայն 15 սեպտեմբերի 2009 թ-ի թիվ 7 պաշտոնական պարզաբանման 15-րդ կետի՝ Օրենքի 6.1 հոդվածի 3-րդ մասին համապատասխան հետաձգված գումարների մասով ԱԱՀ վճարելու պարտավորությունը դադարելու դեպքում մաքսային մարմիններին տեղեկանք կամ այլ փաստաթուղթ չի ներկայացվում:

«Սեթ» ՍՊԸ հաշվապահը սխալմամբ 23.08.2013 թ-ի պարտավորության գումարը և դրա նկատմամբ ինքնուրույն հաշվարկված տույժերը թիվ H-061 վճարման հանձնարարականով՝ 3.220.888 դրամ, փոխանցել է պետական գանձապետարանի ՀՀ Մաքսային ծառայության Արարատյան տարածաշրջանային մաքսատան 90000-5010146 հաշվին (կոդ 27): Արարատյան մաքսատան պետը պատասխանել է, որ պարտավորության գումարը կվերադարձվի, սակայն տույժերը՝ ոչ:

Տվյալ դեպքում, եթե չկա պարտավորության գումար, չկա տեղեկանք տալու պարտավորություն, հետևապես չեն կարող հաշվարկվել նաև տույժեր:

Ելնելով վերոգրյալից ընկերությունը խնդրում է հաշվապահի կողմից թույլ տված սխալի հետևանքով թիվ H-061 վճարման հանձնարարականով 3.220.888 դրամ փոխանցված գումարից հաշվանցել 1.186.652 դրամ Մաշտոցի ՀՏ 90000-5001038 հաշվին կենտրոնական գանձապետարան մուտք եղած վճարման օրով (2013 թ-ի օգոստոսի 23-ին) ԱԱՀ-ի պարտավորությունը մարելու նպատակով, մնացած 2.034.236 դրամ գումարը ետ փոխանցել «Սեթ» ՍՊԸ-ի հաշվեհամարին:

Բացի դա, 04.12.2013 թ-ի դիմումով ընկերությունը դիմել է ՀՀ ԿԱ ՊԵԿ նախագահին և 16.12.2013 թ-ին ստացել է պատասխան, որի պատճենը ուղարկվել է ՀՀ ԿԱ ՊԵԿ Արարատյան տարածաշրջանային մաքսատան պետին: Այդ պատասխանը մաքսատունը առ ոչինչ համարեց և նորից նույն պատասխանն էր կրկնում, որից հետո մաքսատունը նորից դիմել է ՀՀ ԿԱ ՊԵԿ:

Պատասխանը ստանալուց հետո ընկերության ներկայացուցիչներին հրավիրել են ՀՀ ԿԱ ՊԵԿ Արարատյան տարածաշրջանային մաքսատուն, որպեսզի 19.12.2013 թ-ի դիմում-խնդրանքը վերաներկայացնենք 15.01.2014 թ-ով: Այնուհետև, ընկերության դիմում-պահանջը պետք է կատարվեր:

20.02.2014 թ-ին նորից հրավիրել են պատճառաբանելով, որ ընկերության կողմից ներկայացված դիմումի հիման վրա կազմվել է եզրակացություն և ուղարկվել ՀՀ ԿԱ ՊԵԿ և ստացվել է մերժում:

Ընկերությունը խնդրել է պատասխանի պատճենը, սակայն խնդրանքը մերժվել է:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), լսելով կողմերի բերված փաստարկները, ուսումնասիրելով սույն գործին առնչվող նյութերն ու ապացույցները, եկավ եզրակացության, որ գանգատը հիմնավոր է հետևյալ պատճառաբանությամբ:

Քննարկման ընթացքում նշվեց, որ ընկերության կողմից 04.11.2011 թ-ի թիվ C-36374 հայտարարագրով ներմուծված ապրանքների մասով մաքսային մարմինների կողմից հաշվարկված ավելացված արժեքի հարկի գումարների վճարման ժամկետը հետաձգվել է մինչև 2012 թվականի նոյեմբերի 4-ը:

Նշվեց նաև, որ «Ավելացված արժեքի հարկի մասին» ՀՀ օրենքի 6-րդ հոդվածի 4-րդ կետի համաձայն՝ ԱԱՀ-ով հարկվող գործարք է համարվում «Ներմուծում՝ ազատ շրջանառության համար» մաքսային ռեժիմով ապրանքների ներմուծումը, ուստի ՀՀ տարածք ներմուծվող ապրանքներից ԱԱՀ-ն հաշվարկվում և գանձվում է «Ավելացված արժեքի հարկի մասին» ՀՀ օրենքին համապատասխան:

Տվյալ դեպքում, եթե մինչև 04.11.2011 թ-ը դադարել է ավելացված արժեքի հարկ վճարելու ընկերության պարտավորությունը, ապա ՀՀ ԿԱ պետական եկամուտների կոմիտեի նախագահի 2009 թ-ի սեպտեմբերի 15-ի թիվ 7 և Հայաստանի ֆինանսների նախարարի թիվ 844 «Ավելացված արժեքի հարկի մասին Հայաստանի Հանրապետության օրենքի 6.1-ի հոդվածի կիրառման որոշ հարցերի վերաբերյալ» պաշտոնական պարզաբանման 15-րդ կետի համաձայն՝ մաքսային մարմիններին տեղեկանք կամ այլ փաստաթուղթ չի ներկայացվում:

Ընկերության ներկայացուցիչը նշեց, որ մինչև «Ավելացված արժեքի հարկի մասին» ՀՀ օրենքի 6.1 հոդվածի առաջին մասով սահմանված համապատասխան ժամկետի ավարտը (04.11.2012 թ.) դադարել է ԱԱՀ վճարելու պարտավորությունը, քանի որ նույն ժամանակաշրջանի ընթացքում առաջացած պետական բյուջեի հանդեպ ԱԱՀ-ի վճարման պարտավորության մարված գումարը ավել է եղել ներմուծված ապրանքների համար հետաձգված ԱԱՀ-ի պարտավորությունների գումարից:

Ելնելով վերոգրյալից Հանձնաժողովը գտնում է, որ մինչև «Ավելացված արժեքի հարկի մասին» ՀՀ օրենքի 6.1 հոդվածի առաջին մասով սահմանված համապատասխան ժամկետի ավարտը՝ 04.11.2012 թ-ը, ԱԱՀ վճարելու պարտավորությունը դադարած լինելու հանգամանքը հաստատվելու պարագայում ընկերության գանգատը ենթակա է բավարարման:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Շ ՈՒ Մ Է՝

1. ՀՀ ԿԱ ՊԵԿ Մաշտոցի ՀՏ-ին պարզել մինչև «Ավելացված արժեքի հարկի մասին» ՀՀ օրենքի 6.1 հոդվածի առաջին մասով սահմանված համապատասխան ժամկետի ավարտը՝ 04.11.2012 թ-ը, ԱԱՀ վճարելու պարտավորությունը դադարած լինելու հանգամանքը և դադարած (մարված) պարտավորության չափը:

2. Ելնելով սույն որոշման 1-ին կետում նշված գումարի մեծությունից «Սեթ» ՍՊԸ 26.02.2014 թ-ի դիմում-գանգատը բավարարել՝ մաքսային մարմիններին ավել վճարված գումարների մասով:

Հանձնաժողովի նախագահ՝



Վ.ՄԻՐՈՒՄՅԱՆ